

Կոնդակ Կարսի փոխանորդ Տ. Երեմիա վարդապետ Ստեփանեանի անունով, որով վարդապետական ականա-
կառ լանջախաչ կրելու իրաւունք շնորհուեց, 28 մարտի.
թ. 501.

Կոնդակ Տաթևի փոխանորդ և վանահայր Տ. Վահան
վարդապետ Տէր-Գրիգորեանի անունով, որով վարդապե-
տական ականակառ լանջախաչ կրելու իրաւունք շնորհուեց,
28 մարտի. թ. 502.

ՍԻՆՕԴԻ ՕՐԱԳՐՆԵՐԻՑ ՔԱՂՈՒԱԾՆԵՐ

Թ. 62. փետրուարի 1/2 Սինօդը որոշեց, շրջաբերա-
կանով պատուիրել բոլոր կոնսիստորիաներին մինչև մարտի
1-ը պահանջել և ուղարկել Սինօդ ապառիկ մնացած բոլոր
եկեղեցական եռատեսակ մատեանների գները:

Թ. 64. փետրուարի 6/7 Սինօդը որոշեց, պատուիրել
Մայր Աթոռի վանական կառավարութեանը, որ Մայր Աթոռի
«քարահանքը» նորից տայ կապալով երեք տարի ժամանա-
կով, նախօրօք աճրդախօսութեան պայմանների ծրագիրը
ներկայացնելով Սինօդ:

Թ. 65. փետրուարի 6/7 Սինօդը նկատի առնելով, որ
Դեղարդայ վանքի «Ղանլի-իւրդ» կոչուած վարելահողերի
վարձով տալու երեք տարին լրացած է և կապալադրամ-
ները ստացուած է, որոշեց, պատուիրել Երևանի կոնսիս-
տորիային, որ նորից աճուրդով տայ յիշեալ հողերը:

Թ. 70. փետրուարի 6/7, Սինօդը որոշեց յանձնել
Քեանդակ գիւղի Յարութիւն քահանայ Տէր Յովհաննիս-
եանին և Հաւարիկ գիւղի Եզնիկ քահանայ Տէր Գաբրիէլ-
եանին ի դատ մարմնաւոր իշխանութեան Գանձակի նահան-
գական դատարանի պ. պրոկուրորի միջոցով, համաձայն
պատժ. օր. 1575 յօդ. արեւակցական ճ.րդ. աստիճանի
չհաս պսակ կատարելու համար:

Թ. 71. փետրուարի 6/7, Սինօդը լսելով Նոր-Նախի-
ջեանում վերաբնակուող Ստեփաննոս քահանայ Պապայեանի

բողոքը Բեսսարաբիայի թեմի տաաջնորդ Տ. Ներսէս արքեպիսկոպոսի դէմ, որոշեց. թողնել յիշեալ քահանայի բողոքը առանց հետեանքի՝ հիմքից զուրկ լինելու համար:

Թ. 62. փետրուարի 6/7, Սինոդը լսելով Թէոդոսիայի 21 ձխականների բողոքը տեղի ձխատէր Արշաւիր քահանայ Վարդանեանի դէմ, որոշեց պատուիրել Բեսսարաբիայի կոնսիստորիային հեռացնել Վարդանեան քահանային Թէոդոսիայի ձխականների հովուութիւնից այն դէպքում, երբ կոնսիստորեան կամ ինքը՝ քահանան կը գտնեն նորա համար քահանայադորձելու մի այլ ծուխ:

Թ. 81. փետրուարի 12, Սինոդը լսելով Կովկասի Փոխարքայի դիւանատան յունուարի 28-ի № 2828 գրութիւնը, որով յայտնում է, թէ ի հետեւումն Ղարաբաղի թեմական դպրանոցի հոգաբարձութեան նախագահ Զաւէն վարդապետի միջնորդութեան, Փոխարքան թոյլ տուեց նուիրատուութիւններ ժողովել փոխարքայութեան սահմաններում, հայ ազգաբնակչութեան մէջ, մինչև այս սեպտեմբերի 1-ը, Ղարաբաղի թեմական դպրանոցի օգտին, նորա 75-ամեայ յօբելեանի առթիւ, որոշեց տալ թեմական դպրանոցի օգտին կատարուելիք հանգանակութեան համար Ղարաբաղի թեմի կառավարչին մի ժապաւինեալ մատեան հանգանակութիւն անելու Փոխարքայի № 2828 թոյլտուութեան թղթի պատճէնի հետ միասին, պատուիրելով հանգանակութիւնից յետոյ մատեանը ուղարկել Սինոդ ի ստուգութիւն և ի տնօրէնութիւն:

Թ. 83. փետրուարի 13/16. Սինոդը՝ լսելով Կովկասի Տ. Փոխարքայի այս տարուայ յունուարի 14-ի № 1477 գրութիւնը, Ղազախի գաւառի Թաւուզքենդ գիւղի բնակիչ Յարութիւն Գիւրջանեանցի որդի Վահանին Տփլիսի կոնսիստարիայից ընտանեկան արտօնութիւն տալու համար տուած № 3478 մետրիքական վկայական տալու մասին, որոշեց. զգուշութիւն գրել Թիֆլիզի կոնսիստորիային, որ, ինչպէս երևում է Փոխարքայի № 1477 գրութիւնից, հարկաւոր զգուշութեամբ չէ վարուել Թաւուզքենդ գիւղի

բնակիչ Յարութիւն Գիւրջանեանցին ծննդական վկայական տալու գէպքում, յայտնել նաեւ շրջաբերականով Կովկասի միւս թեմերի առաջնորդներին Փոխարքայի գրութեան իմաստը և պատուիրել, որ ապագայում չկրկնուեն այլ ևս նման գէպքեր:

Թ. 84. փետրուարի 13/16, Սինօդը՝ լսելով Երեւանի կոնսիստորիայի անցած տարուայ յուլիսի 10-ի թ. 4694 յայտարարութիւնը, որով խնդրում է Աղէքսանդրապոլի գաւառի Ղաղանչի գիւղի բնակիչ Տիգրան Տէր Մկրտչեանին թոյլ տալ քահանայ ձեռնադրելու նոյն գիւղի ծխականների համար, որոշեց. թոյլ տալ Երեւանի կոնսիստորիային հոգեւոր կոչման մէջ ընդունել Տիգրան Տէր Մկրտչեանին և յանձնարարել փոխ-թեմակալին ձեռնադրել նրան քահանայ Ղաղանչի գիւղի ծխականների համար:

Թ. 85. փետրուարի 13/16, Սինօդը՝ լսելով Երեւանի կոնսիստորիայի անցած տարուայ մայիսի 9-ի թ. 2734 յայտարարութիւնը, որով խնդրում է թոյլ տալ ձեռնադրել քահանայ Կարսի շրջանի Գերմանլի գիւղի բնակիչ Սարգիս Շահինեանին այդ գիւղի ծխականների համար, որոշեց. թոյլ տալ Երեւանի կոնսիստորիային հոգեւոր կոչման մէջ ընդունել Սարգիս Շահինեանին և յանձնարարել փոխ-թեմակալին ձեռնադրել նրան քահանայ Գերմանլի գիւղի ծխականների համար:

Թ. 88. փետրուարի 15/16, Սինօդը՝ լսելով Վեհափառ Կաթողիկոսի անցած փետրուարի 10-ի թ. 282 կոնդակը, որով յայտնում է, թէ Կովկասի Տ. Փոխարքան նոյն ամսի 5-ի № 3847 գրութեամբ տեղեկացրել է, թէ Բարձրագոյն Հրամանով Ամենաողորմածաքար հրամայուած է Սինօդի անդամ Տ. Մեսրոպ եպիսկոպոսին լինել Վրաստանի Հայոց թեմի առաջնորդ, իսկ այդ թեմի ժամ. կառավարիչ Տ. Եփրեմ եպիսկոպոսը հաստատուած է Սինօդի անդամ, որոշեց. նախ՝ ճանաչել Տ. Մեսրոպ եպիսկոպոսին Վրաստանի Հայոց թեմի առաջնորդ և երկրորդ՝ Տ. Եփրեմ եպիսկոպոսին Սինօդի անդամ:

Թ. 89. փետրուարի 15/16, Սինոդը՝ լսելով Պետերբուրգի վերաբնակչուհի օրիորդ Եղիսաբէթ Մկրտչեան Հայրապետեանի Վեհափառ Կաթողիկոսի անունով տուած անցած դեկտ. 12-ի խնդիրը, որի հետ ուղարկելով մի հազար ռուբլի, խնդրել է նորին Սրբութիւնից Կարգադրել գործադրել այդ դրամը ս. Գայեանէի վանքի նորոգութեան վերայ, որոշեց. պատուիրել Մայր Տաճարի վերանորոգութեան Յանձնաժողովին կատարել ս. Գայանէի վերանորոգութիւնը և իւրաքանչիւր տարի հոգեհանգիստ կատարել՝ ապրիլի 12-ին ի յիշատակ նուիրատուի հօր Մկրտիչ Հայրապետեանի և դեկտ. 9-ին ի յիշատակ նուիրատուի մօր Հռիփսիմէի:

Թ. 91. փետրուարի 16/18, Սինոդը, լսելով Վեհափառ Կաթողիկոսի փետրուարի 8-ի Թ. 266 կոնդակը, որով ուղարկելով Ներքին Գործերի Նախարարի յունուարի 30-ի Թ. 1084 գրութեան պատճէնը, առաջադրում է Կարգադրել, որպէս զի դպրոցական դրամագլխի (ֆօնդի) անունով եկեղեցական-ծխական դպրոցների օգտին կամաւոր նուիրատուութիւններ ժողովուին և Աստրախանի ու Բեսսարաբիայի թեմերում, Նախարարի թոյլտուութեան համաձայն, որոշեց. ուղարկել նուիրատուութեան վերաբերեալ տպագրած ժապաւինեալ տոմարները և թերթերը, պատուիրել Նոր-Նախիջևանի և Բեսսարաբիայի և Աստրախանի թեմակալ առաջնորդներին իրենց թեմերի հայաբնակ քաղաքներում և գիւղերում կաղմակերպել ժողովարարութեան գործը Յանձնախմբի ղեկավարութեամբ և ստացուող դրամը փոխադրել Սինոդ:

Թ. 94. փետրուարի 27, Սինոդը լսելով Նոր-Բայազէտի բնակիչ Արամ Նիկողոսեանի խնդիրը, որով խընդրում է տալ իրեն վարձով Բջնու մօտ գտնուող «Բեօթաքլու» արօտատեղը կաթնատնտեսութեան համար, որոշեց. կապել Նիկողոսեանի հետ պայման նրան վարձով տալու «Բեօթակլու» հողը, տասն երկու տարով կաթնատնտեսութեան համար:

Թ. 100. մարտի 1/2, Սինօդը՝ լսելով Վեհափառ Կաթողիկոսի անցած փետրուարի 4-ի № 247 կոնդակը, որով յայտնում է, թէ Հայոց Ազգագրական ընկերութիւնը անցած տարուայ յունիսի 22-ին Աղէքսանդր Մելիք-Աղարեանի, Համբարձում Մելիքեան և Երուանդ Լալայեանի ձեռքով խնդրել է իրեն թոյլ տալ Ընկերութեանը Տփլիսում աւագ եկեղեցու արեւմտեան կողմը գտնուող վանքապատկան հողի վերայ շինել Ազգագրական-Հնագիտական թանգարան, որոշեց. յանձնել Հայոց Ազգագրական ընկերութեան Տփլիսի աւագ եկեղեցու արեւմտեան կողմը գտնուող Էջմիածնապատկան հողը Ազգագրական-Հնագիտական թանգարան շինելու համար, պարտաւորեցնելով յիշեալ ընկերութեանը, որ բոլոր պաշտօնական գրութիւնների և վաւերագրերի մէջ այն շէնքը լինի ս. Էջմիածնի անունով իբրև մշտնջենական սեպհականութիւն Մայր Աթոռի:

Թ. 104. մարտի 2, Սինօդը լսելով Վեհափառ Կաթողիկոսի այս տարուայ փետրուարի 27-ի թ. 367 կոնդակը, որով յայտնում է, թէ Կրասնավոդսկ քաղաքի ծխատէր Վահան ա. քհն. Տ. Գրիգորեանը փետրուարի 27-ին ստացաւ արեղայութեան կոչում և վարդապետական աստիճան՝ Փոխարքայի նախընթաց հաւանութեամբ նորին Սրբութիւնը նշանակում է նրան Տաթևի վանքի վանահայր և փոխանորդ, ուստի Սինօդը որոշեց. Վահան վարդապետի անունը ժողովել կուսակրօն հոգևորականների շարքը իբրև Տաթևի վանքի միաբան և ճանաչել նրան նոյն վանքի վանահայր և վիճակի փոխանորդ:

Թ. 106. մարտ 2, Սինօդը որոշեց պատուիրել Աստրախանի կոնսիստորիային կարգադրել անյապաղ հեռացնել Մերվ քաղաքի ծխատէր Արշակ քահանայ Տէր Ռսկանեանին այն վարչական պաշտօններից, որ նա անկախ քահանայագործութիւնից ունի, մինչև նորա դատական գործի վախճանը, որ քրէական պատասխանատուութեան է ենթարկուած նա պատժ. օր. 102 յօդ. 2 մ.:

Թ. 113. մարտի 4/5 Սինօդը՝ լսելով Աղէքսանդրապօլի

գաւառի Մեծ-Արխիմանի գիւղի Աւետիք քահանայ Աթա-
նասեանի մեղադրական գործը իւր կոչմանն անվայել ըն-
թացքի մասին, որոշեց. փոխել կոնսիստորիայի վճիռը նո-
րան կարգալոյծ անելու մասին և նորա ըմբոստ ու յան-
դուգն վարուեցողութիւնների համար նշանակել նորան երեք
ամիս ապաշխարանք Անիում:

Թ. 118. մարտ 8/9, Սինօդը՝ լսելով Չերնոմորեան
հահանգի Գագրա գիւղում վերաբնակեցող Գրիգոր քահա-
նայ Գարաքեհեանի մեղադրական գործը, որոշեց. ընդ-
միշտ դադարեցնել քահանայագործութիւնից Գրիգոր քա-
հանայ Գարաքեհեանին աւագ շաբաթ օրը պսակ կատա-
րելու և հոգևորականին ոչ վայել կենցաղավարութեան
համար, իսկ նրա միւս մեղադրական գործերը, համաձայն
փետրուարի 21-ի Բարձրագոյն Հրովարտակի, դադարեցնել:

Թ. 120. մարտի 11/12, Սինօդը՝ լսելով Վեհափառ
Կաթողիկոսի այս տարուայ յունուարի 29-ի Թ. 209 կոն-
դակը, որով պատուիրել է Սինօդիս կարևոր կարգադրու-
թիւններ անել հանգուցեալ բժշկապետ Աղէքսանդր Տիգ-
րանեան Տէր Յարութիւնեանի կտակի գործադրու-
թեան վերաբերմամբ, որով հանգուցեալ Տէր Յարութիւնեանը իւր շարժական և անշարժ գոյքը կտակում է
թէ՛ Մայր Աթոռի օգտին, և թէ՛ այդ գումարով առնուի
հողեր Տաճկաստանի հայաշատ վիլայէթներում արտասահ-
ման գաղթած բնիկ Տաճկաստանցի հայերի վերաբնակեց-
նելու համար, կտակակատարներ է նշանակում Ամենայն
Հայոց Վեհափառ Կաթողիկոսին և Կ. Պօլսի Հայոց Պատ-
րիարքին, որոշեց. նախ՝ ուղարկելով Դ. Մկրտումեանի 825
աւերելու երկու մուրհակը, յանձնարարել հաւատարմատար
Համազասպ քահանայ Արադեօղեանին պահանջել այդ
գումարը, իւր օրինական տոկոսներով, Մկրտումեանից,
յօժարակամ, հակառակ գէպքում՝ դատարանով, երկրորդ՝
խնդրել փոխադրել պետական դրամատան Երևանի բաժան-
մունքը, Վեհափառ Կաթողիկոսի անունով, պետական
խնայողական գանձարանից 904 ա. 95 կ., իւր օրինական

տոկոսներով, պետական դրամատան Վարչափայի գրասենեակից՝ պահ տուած 15000 ռուբլու արժէթղթերը, իրենց տոկոսներով և 70 ռուբլի դրամը, երրորդ՝ խնդրել Կարսի փոխադարձ ընկերութեանը պահ տուած 2760 ռ. 21 կոպէկից տալ Կարսի Հոգևոր Կառավարութեանը նորա ծախսած 477 ռ. 50 կոպէկը, Կարսի Համադասպ քհնյ. Ղարադեօղեանին նորա ծախսած 7 ռ. 82 կոպ., ուղարկել Սինօդիս անունով՝ կտակարարի ծառային և լուսցարարին տուած 26 ռ. 75 կ., քաղաքային հարկի համար վճարած 30 ռուբ., և նոտարական ծախքը 38 ռ. 52 կոպ., ապա դուրս գալով Նատալիա Տիգրանեանին հասանելի տարեկան 600 ռուբլուց ժառանգական տուրքի համար նորա փոխարէն վճարած 374 ռ. 40 կոպ., մնացորդը (600 ռ. — 374 ռ. 40 կ.) 225 կ. 60 կ. ուղարկել Նատալիա Տիգրանեանին պետական դրամատան Տփլիսի գրասենեակի միջոցով, և ապա պահ տուած գումարի և նրա տոկոսների մնացորդը փոխադրել պետական դրամատան Երևանի բաժանմունքը Վեհափառ Կաթողիկոսի անունով, չորրորդ՝ ուղարկելով Տէր Յարութիւնեանցի կտակած Կարսում գրտնուող անշարժ կալուածների ցուցակի պատճէները յանձնարարել Կարսի փոխանորդին հսկել կալուածների վերայ, ժամանակին ստանալ եկամուտները և փոխադրել պետական դրամատան բաժանմունքը Վեհափառ Կաթողիկոսի անունով իւրաքանչիւր անգամ տեղեկութիւն տալով դրամը ուղարկելու մասին նորին Սրբութեանը և Սինօդիս, հինգերորդ՝ յայտնելով Կարսի Հաշտարար դատաւորին № 191 գրութեան հետ, ուղարկած դրամական վաւերացիւթղթերի Սինօդուս ստացուած լինելու մասին, խնդրել ուղարկել կտակած գոյքի կառավարութեան մասին ներկայացրած տարեկան տեղեկագիրը կամ նոցա պատճէները, վեցերորդ՝ տալով, կտակի և այս օրագրի պատճէները՝ պատուիրել Սինօդի Հաշտարարական մասին առանձին գործ և հաշիւ վարել Տէր Յարութիւնեանցի կտակած դրամագլխի մասին, մուտք գրել հետզհետէ այն բոլոր գումարները, որ կը ստացուին և կամփոփուին պետական դրամատան Երևանի

բաժանմունքը, աւելացնելով մուտքի վերայ այն բոլոր դրամ-
ները, որ ներկայ հրամանով տրուելու են Կարսի Հոգևոր
Կառավարութեանը, (477 ռ. 50 կ.), Ղարադեօզեան քա-
հանային (7 ռ. 82 կ.), Նատալիա Տիգրանեանին (225 ռ.
60 կ.) և ստանալու է Սինօղը (95 ռ. 27 կ.), ելք գրել
Տէր Յարութիւնեանի դրամագլխից արդէն ծախսած վեր-
ջին գումարները՝ 806 ռ. 19 կ., որից մուտք գրել Մայր
Աթոռի տոմարում ստացուող 95 ռ. 27 կոպ., և ապա
գանձել ժամանակին կտակած արժէթղթերի և դրամագլխի
տոկոսները, միացնել ստացուող արդիւնքը դրամագլխին,
որի մասին իւրաքանչիւր անգամ զեկուցում ներկայացնել
Վեհափառ Կաթողիկոսին, եւ եօթներորդ՝ այս օրագրի
պատճէնը ներկայացնել Նորին Սրբութեանը, որպէս կտա-
կակատարի:

Թ. 130. մարտի 18/19, Սինօղը՝ լսելով Շամախու կոն-
սիստորիայի անցած տարուայ նոյեմբերի 3-ի թ. 2137 յայ-
տարութիւնը, որով ներկայացրել է Սինօղի տնօրէնութեանը
Դերբենդի ծխական ժողովի 1912 թ. յուլիսի 2-ի արձանա-
գրութիւնը, որով ժողովը շահաւէտ է համարել գնել եկեղե-
ցուօգտին Պետրոս Բիւրցեղեանի և Անանիա Միքայէլեանի
խաղողի այգիները, որի համար Սինօղը ստացել է Կովկասի
Տ. Փոխարքայի հաւանութիւնը գնելու եկեղեցու անունով
Բիւրցեղեանի և Միքայէլեանի այգիները 2300 ռուբլով, որո-
շեց. ուղարկել Կովկասի Փոխարքայի դիւանատան № 5350
դրութեան պատճէնը, պատուիրել Շամախու կոնսիստո-
րիային կարգադրել գնել Բիւրցեղեանի և Միքայէլեանի այ-
գիները 2300 ռուբլով Դերբենդի եկեղեցու անունով:

Թ. 132. մարտի 18/19, Սինօղը՝ լսելով Աստրախանի
կոնսիստորիայի անցած տարուայ դեկտեմբերի 12-ի № 4730
յայտարարութիւնը, որի հետ ներկայացնում է Կուբանի
շրջանի Արմաւիր գիւղի հասարակական ժողովի 1912 թ.
յուլիսի 24-ի № 115 վճիռը և Արմաւրի հայոց եկեղեցի-
ների ծխականների նոյն թուի սեպտ. 2-ի վճիռը, որոն-
ցով հասարակութիւնը որոշել է նորակառոյց ս. Գէորգ
եկեղեցին աւարտելու համար յատկացնել հասարակութեան

միջոցներից 5000 ռ. և միջնորդութիւն յարուցանել, որպէս զի գիւղի ու Աստուածածին եկեղեցու գրամներից առանց տոկոսի պարտք տրուի ս. Գէորգ եկեղեցուն նոյն նպատակով 15000 ռ., այն պայմանով, որ այդ գումարը վճարուի ս. Գէորգ եկեղեցու եկամուտներից տարեկան ոչ պակաս քան 600 ռուբլի, որոշեց. թոյլ տալ Արմաւրի ս. Աստուածամօր եկեղեցուն պարտք տալ իւր գրամագրելից առանց տոկոսի տասն և հինգ հազար ռուբլի տեղի ս. Գէորգ եկեղեցին աւարտելու համար, այն պայմանով, որ այդ գումարը յետ դարձնուի ս. Գէորգ եկեղեցու գումարներից տարեկան ոչ պակաս քան վեց հարիւր ռուբլի:

Թ. 133, մարտի 18/19, Սինօդը՝ լսելով Շամախու կոնսիստորիայի այս տարուայ փետրուարի 14-ի թ. 257 յայտարարութիւնը, որով յայտնում է, թէ Բագուի քաղաքապետի գիւնը անցած տարուայ դեկտ. 31-ի թ. 22939 գրութեամբ թոյլ է տուել Բագուի գործակալին ընդունել Հայաստանեայց եկեղեցու ծոցը Բագուեցի մահմեդական Սադիխ Մէշէգի Այիբովին, որոշեց. պատուիրել Շամախու կոնսիստորիային ուղարկել Սադիխ Մէշէգի Այիբովին Սադիխի վանքը սովորելու Հայաստանեայց եկեղեցու գիտելիքները և այնտեղ էլ մկրտուել և ապա նկատել Բագուի գործակալին, որ Սինօդի շրջաքերականի համաձայն Հայագաւանութիւն ընդունող մահմեդականների խնդիրները պէտք է ներկայացնել Սինօդին, որ և հարցնելու է քաղաքական իշխանութեան հաճութիւնը:

Թ. 134. 18/19 մարտի. Սինօդը՝ լսելով Բագուի վերաբնակիչ ազնուական Կարապետ Լալայեանցի փետրուարի 20-ի գրութիւնը, որով յայտնում է, թէ գրգռած դէպի իւր ազգն ունեցած սիրուց վճռել է իւր այժերը ներածին չափ նուիրատուութիւն անել իւր ազգի ուսաւորութեան և տնտեսական վիճակի բարելաւման համար, այդ նպատակով նուիրում է 50000 ռ., որից 10000 ռ. արդէն ստացել է Բագուի Հայոց Կուլտուրական Միութիւնը, այդ Միութեան համար սեպհական բնակարան շինելու համար, այժմ ցանկութիւն է յայտնում իրականացնել իւր մտադրութեան միւս մասը,

այնպէս որ իւր նուիրաբերելի 40000 ռ. դրամագլուխը ընդ միշտ մնայ անձեռնմխելի, իսկ եկամուտը ստանայ Բագուի Հայոց Կուլտուրական Միութիւնը՝ գործադրելու համապատասխան նուիրաբերողի նպատակներին, իսկ նուիրաբերութիւնը ցանկանում է նա յանձնել ս. Էջմիածնի Մ. Աթոռին: Մայր Աթոռը յանձին Սինօդի, ընդունելով նուէրը, տոկոսների ստացումը յանձնելու է Բագուի Հայոց Կուլտուրական Միութեանը, իսկ եթէ Կուլտուրական Միութիւնը այս կամ այն պատճառով կը դադարի գոյութիւն ունենալուց, իւր նուիրատուութիւնը մնալու է իբրեւ Մայր Աթոռի սեպհականութիւն, այն պայմանով, որ դրամագլուխը մնայ անձեռնմխելի, իսկ տոկոսներով պահուի որ և է կրթական հաստատութիւն, որոշեց. ընդունելով Կարապետ Լալայեանցի նուէրը իւր առաջարկած պայմաններով, լիազօրել Բագուի Եղիշէ ա. քհնյ. Գեղամեանին ստանալ նուէրը օրինական կարգով ս. Էջմիածնի վանքի անունով, որի համար խնդրել ներքին Գործերի նախարարի թոյլտուութիւնը և ապա յանձնել նուիրատուութեան եկամուտը ստանալու իրաւունքը Բագուի Հայոց Կուլտուրական Միութեանը:

Թ. 140. մարտի 25/26, Սինօդը լսելով Վեհափառ Կաթողիկոսի անցած մարտի 14-ի թ. 426 մակագրութիւնը, որի հետ ուղարկել է Թագուհի Կայսրուհու խնամատարութեան ներքոյ գտնուող խուլերի և համրերի հոգաբարձութեան Կովկասի Բաժանմունքի խորհրդի № 22 գրութիւնը, որով Հոգաբարձական խորհուրդը խնդրում է շրջաբերական կարգադրութիւն անել, անցած տարիների նման, որպէս զի խուլերի և համրերի օգտին 1913 թ. ապրիլի 7-ին գանձանակ շրջեցնուի երեսփոխանների ձեռքով հետևեալ քաղաքների հայոց եկեղեցիներում. Տփլիսի, Գորու, Ախալցխայի, Ախալքալակի, Բաթումի, Սդնախի, Թէլաւի, Զաքաթալայի, Գանձակի, Սուխումի, Փոթիի, Երևանի, Աղէքսանդրապօլի, Կարսի, Նախիջևանի, Բագուի, Շուշու, Յիւրնովալի և Սուրամի, որոշեց. պատուիրել Վրաստանի Հայոց, Շամախու թեմակալ առաջնորդներին, Երևանի փոխ-թեմակալին և Ղարաբաղի թեմ. ժամ. կառավարչին

Վեհափառ Կաթողիկոսի մակագրական առաջագրութեան համաձայն կարգադրել, որ իրենց թեմերի հայոց եկեղեցիներում առաջիկայ ապրիլի 7-ին, դանձանակ շրջեցնուի խուլերի և համրների օգտին երեսփոխանների ձեռքով, որոնք և փոխադրեն դրամը ուղղակի Հոգաբարձութեան անունով և դրամի փոխադրութեան մասին տեղեկացնեն թեմի առաջնորդին:

Թ. 141. մարտի 25/26. Սինոդը լսեց Վեհափառ Կաթողիկոսի անցած մարտի 14-ի թ. 436 մակագրութեամբ ուղարկած Ղարաբաղի թեմի ժամ. կառավարչի № 917 յայտարարութիւնը և Բիւղանդ Թորոսեանի փետրուարի 25-ի խնդիրը. նորին Սրբութիւնը յայտնում է, թէ ընդունում է Թորոսեանին Ամարասի վանքի միաբան նորա խնդրի և Ջաւէն վարդապետի միջնորդութեան համաձայն, որոշեց. Բիւղանդ Թորոսեանին ընդունել Հոգևոր կոչման մէջ և ճանաչել Ամարասի վանքի միաբան:

Թ. 144. մարտի 28/28. Սինոդը լսելով Երևանի կոնսիստորիայի անցած տարուայ սեպտեմբ. 21-ի թ. 7502 յայտարարութիւնը, որով խնդրում է Աղէքսանդրապոլի գաւառի Աղին գիւղի բնակիչ Կարապետ Տէր Գէորգեանին թոյլ տալ ձեռնադրել քահանայ նոյն գիւղի ծխականների համար, որոշեց. թոյլ տալ Երևանի կոնսիստորիային Հոգևոր կոչման մէջ ընդունել Կարապետ Տէր Գէորգեանին և յանձնարարել փոխ-թեմակալին ձեռնադրել նորան քահանայ Աղին գիւղի ծխականների համար:

Թ. 145. մարտի 27/28. Սինոդը լսելով Երևանի կոնսիստորիայի անցած տարուայ գեկտեմբերի 27-ի թ. 10268 յայտարարութիւնը, որով խնդրում է Երևանի գաւառի Չիգդամլու գիւղի բնակիչ Սահակ Տէր Թովմասեանին թոյլ տալ ձեռնադրել քահանայ նոյն գիւղի ծխականների համար, որոշեց. թոյլ տալ Երևանի կոնսիստորիային Հոգևոր կոչման մէջ ընդունել Սահակ Տէր Թովմասեանին և յանձնարարել փոխ-թեմակալին ձեռնադրել նրան քահանայ Չիգդամլու գիւղի ծխականների համար:

